

亥21

3-13<14

圖經衍義本草

十四



圖經衍義本草卷之三十二

曰七

圖經衍義本草卷之三十三

曰八

圖經衍義本草卷之三十四

嚴一



圖經新考本草卷之二十四

上海涵芬樓影印正統道藏本

圖經新考本草卷之三十三



圖經衍義本草卷之三十二

宋通直郎辨驗藥材寇宗奭編集

宋太醫助教辨驗藥材許洪校正

蟲魚部中品

蝟



蝟皮味苦平無毒主五痔陰蝕下血赤白五色血汁不止陰腫痛引腰背酒煮殺之又療腹痛疝積亦燒灰爲末酒服之生楚山川谷田野取無時勿使中濕得酒良畏桔梗麥門冬

同七

圖經曰蝟皮生楚山川谷田野今在處山林中皆有之狀類獐狍脚短多刺尾長寸餘人觸近便藏頭足外皆刺不可嚮爾惟見鵲則反腹受啄或云惡鵲聲故欲捧取之猶蚌螭也此類亦多惟蒼白色脚似猪



蹄者佳鼠脚者次

藥性論云蝟皮臣味甘有小毒主腸風瀉

血痔病有頭多年不差者炙末白飲下方

寸匕燒末吹主鼻衄甚解一切藥力

陶隱居云田野中時有此獸人犯近便藏

頭足毛刺人不可得捉能跳入虎耳中而

見鵲便自仰腹受啄物有相制不可思議

爾其脂烱鐵注中內少水銀則柔如鉛錫

矣

日華子云開胃氣止血汗肚脹疝氣脂



治腸風瀉血作猪蹄者妙鼠脚者次

孟詵云蝟食之肥下焦理胃氣其脂可主

五金八石皮燒灰酒服治胃逆又煮汁服

止反胃又可五味淹炙食之不得食骨令

人瘦小

曰七

食療云平其肉可食以五味汁淹炙食之

良不得食其骨也其骨能瘦人使人縮小

也謹按主下焦弱理胃氣令人能食其皮

可燒灰和酒服及炙令黃煮汁飲之主胃

逆細剉炒令黑入丸中治腸風鼠妳痔效



主腸風痔瘻可煮五金八石與桔梗麥門
冬反惡

外臺祕要方治五痔蝟皮方三指大切熏
黃如棗大熟艾右三味穿地作坑調和取
便熏之取口中熏黃烟氣出爲佳火氣稍

盡即停三日將息更熏之三度永差勿犯
風冷羹臠將補謹忌雞猪魚生冷二十日
後補之

千金翼方治蠱毒下血蝟皮燒末水服方
寸匕當吐蠱毒



肘後方治腸痔大便血燒蝟皮傳之

聖惠方治鼻衄塞鼻散用蝟皮一大枚燒末研用半錢綿裏塞鼻

衍義曰蝟皮取乾皮兼刺用刺作刷治純帛絕佳此物兼治胃逆開胃氣有功從蟲

曰七


三

從胃有理焉膽治鷹食病世有養者去而復來久亦不去當縮身藏足之時人溺之即開合穿山甲等分燒存性治痔入肉豆蔻一半末之空肚熱米飲調二錢服隱居所說跳入虎耳及仰腹受啄之事唐本注



見檳亦當然

露蜂房



露蜂房

味苦鹹平有毒主驚癇瘕瘕寒熱邪

氣癰疾鬼精蠱毒腸痔火熬之良又療蜂毒

腫一名蜂腸一名百穿一名蜂勑音窠生牂牁

山谷七月七日採陰乾惡乾薑丹參黃芩芍藥牡蠣

圖經曰露蜂房生犴山谷今處處山林中皆有之此木上大黃蜂窠也大者如瓮小者如桶其蜂黑色長寸許螫牛馬及人乃至欲死者用此尤效人家屋間亦往往有之但小而力慢不堪用不若山林中得風露氣者佳古今方書治牙齒湯多用之七月七日採又云十一月十二月採者佳亦解蠱毒又主乳石發動頭痛煩熱口乾



便旋赤少者取二分炙以水二升煮取八
合分溫再服當利小便諸惡毒隨便出
陶隱居云此蜂房多在樹腹中及地中今
此曰露蜂當用人家屋間及樹枝間苞裹
者乃遠舉牂牁未解所以

曰七

四

藥性論云土蜂房亦可單用不入服食能
治臃腫不消用醋水調塗乾即更易

日華子云露蜂房微毒治牙齒疼痢疾乳
癰蜂叮惡瘡即煎洗入藥並炙用

千金方蜂螫人用蜂房末猪膏和傅之楊



氏產乳蜂房煎湯洗亦得

肘後方治若鼻中外查瘤膿水血出蜂房
火炙焦末酒服方寸匕日七

經驗方解藥毒上攻如聖散蜂房甘草等
分用麩炒令黃色去麩爲末水二碗煎至

八分一凝令溫臨卧頓服明日取一惡物

簡要濟衆方治婦人乳癰汁不出內結成

膿腫名垢乳方蜂房燒灰末每服二錢水

一中煎至六分去滓溫服

勝金方治小兒咳嗽蜂房二兩淨洗去蜂



糞及泥土以快火燒爲灰每服一字飯飲調下

廣利方治頭痛煩熱口乾小便赤少蜂房十二分炙水二升煎取八合分爲二服當利小便諸惡石毒隨小便出之○又方治

曰七

五

熱病後毒氣衝目痛蜂房半兩水二升煮取一升重瀝洗目日三四度治赤目翳

集驗方治風氣客於皮膚癢痒不已蜂房炙過蟬蛻等分爲末酒調一錢匕日三二服



子母祕錄方小兒大小便不通蜂房燒末
酒服二錢日二服

衍義曰露蜂房有兩種一種小而其色淡
黃窠長六七寸至一尺者闊二三寸如窠
脾下垂一邊是房多在叢木鬱翳之中世
謂之牛舌蜂又一種或在高木上或屋之
下外作固如三四斗許小者一二斗中有
窠如瓠之狀由此得名蜂色赤黃其形大
於諸蜂世謂之玄瓠蜂蜀本圖經言十一
月十二月採者應避生息之時也今人用




露蜂房兼用此兩種

鱉甲

鱉甲

味鹹平無毒主心腹癥瘕堅積寒熱去
痞息肉陰蝕痔惡肉療溫瘡血瘕腰痛小兒
脇下堅○肉味甘主傷中益氣補不足生丹



陽池澤取無時惡礬石

圖經曰鱉生丹陽池澤今處處有之以嶽
州沅江其甲有九肋者爲勝取無時仍生
取甲剔去肉爲好不用煮脫者但看有連
厭及乾巖便真若上兩邊骨出是已被煮

曰七

六

也古今治癥癖虛勞方中用之最多婦人
漏下五色羸瘦者燒甲令黃色篩末酒服
方寸匕日二又合訶梨勒皮乾薑三物等
分爲丸空腹服三十九丸治癖最良又醋炙
令黃搗末以牛乳一合調一起朝日服之